

ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ՑԱՎԱԿՑԱԿԱՆ ՀԵՌԱԳԻՐ Է ՀՂԵԼ ՄԻՐԻԱՅԻ ՆԱԽԱԳԱՀԻ ՄԱՀՎԱՆ ԿԱՂԱԿՑՈՒԹՅԱՄԲ

Մայր Աթոռ Ս. Էջմիածին, 13 հունիսի 2000 թ.:

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը ցավակցական հեռագիր է հղել Սիրիայի Արաբական Հանրապետության նախագահ Հաֆեզ Ասադի մահվան կապակցությամբ:

«Խոր վշտով և աղոթքով առ Ամենագոր Աստված՝ Սիրիայի ժողովրդի հնր մեկտեղ սգում ենք մեծ առաջնորդ, նվիրյալ նախագահ և հայ ժողովրդի սիրելյալ բարեկամ Հաֆեզ էլ Ասադի մահը», - ասվում է Վեհապետ Հայրապետի հեռագրում:

ՀԱՅ ԵԿԵՂԵՑՈՒ ԳԱՆՁԵՐԸ ՄԱՆԿՏ ՊԵՏԵՐԲՈՒՐԳՈՒՄ

Մայր Աթոռ Ս. Էջմիածին, 22 հունիսի 2000 թ.:

Այսօր Սանկտ Պետերբուրգում, Էրմիտաժի Ձմեռային պալատի Ալեքսանդրովյան սրահում, բացվեց «Հայ Եկեղեցու գանձերը» ցուցահանդեսը՝ նվիրված Հայաստանում քրիստոնեությունը պետական կրոն հռչակման 1700 և Սանկտ Պետերբուրգի Ս. Կաթերինա հայկական եկեղեցու 290-ամյակներին:

Ինչպես նախորդ փարիներին Մոսկվայի Կրեմլում, Աթենքում, Հելսինկիում և Վարիկանում կայացած նմանափայ ցուցահանդեսների, այս անգամ ևս Մայր Աթոռ Ս. Էջմիածինը ներկայացնում է Հայ Առաքելական Եկեղեցուն և համայն քրիստոնեությանը հոգեհարազատ սրբություններ, ինչպես նաև Հայ Եկեղեցում գործավող ծիսա-պաշտամունքային նշանակություն ունեցող առարկաներ՝ հայկական արծաթագործության, ասեղնագործության գլուխգործոցներ:

Մայր Աթոռի կողմից ներկայացված շուրջ 70 ցուցանմուշների կողքին պետերբուրգյան ցուցահանդեսում կներկայացվեն նաև Հայ Եկեղեցուն առնչվող այլ մատուցներ Էրմիտաժից՝ Սկևռայի մասնապուփը և երկու հուշաքար:

Ցուցահանդեսը կշարունակվի մինչև օգոստոսի 27-ը: